

之十

藝文

賦

鈞陽賦

明郡方瑜歙縣人

江南漫客性嗜遠遊策蹇驢擢小舟訪名勝採吟謳
出入乎淮潁徘徊乎中州而鈞臺主人其友也乃造
焉問日子之爲郡也樂乎主人曰僕焉樂乎客曰是
郡也接鄭連許鼎立天中古豫州域夏后攸封沿代
屬郡或異或同岳縈川迴形勝偉雄可田可圃沃肥

禹州志

藝文

卷之十

賦

一

窪隆是故山則神垆大仙具茨三峰禹殿杏方大礪
玲瓏太白大龜馬鞍崆峒遙遙嵩少疊疊芙蓉水則
鳳凰漫流黃櫨張翁有靈有煖禁溝淙淙湫水三井
源泉相通東濱於潁潭有黑龍馬跑海眼夫豈予訏
而况乎岡陵之聯比洞壑之岌崆有不可以畢舉者
此亦疆宏而多美也而何不樂之有主人曰吁若珍
噐焉在置之安惟安是難僕其如郡何客曰夫郡也
礪山帶河高城深池聖廟屹乎中峙王宮序乎崇卑
展皇華之館時巡立憲節之司分列牧署教

凡厥公所備見葳蕤乃若 臺聳乎雲表

接乎天達神祠仙院壇宇招提飛翬生彩占幽競竒
此亦都居之佳麗也而何不樂之有主人曰吁室多
懸磬屋有流亡視若傳舍民其謂我何客曰夫郡也
惟彼川原寶藏其恢家乃用裕國乃用培是以五穀
繁多度木孔材蔬果時出花藥駢栽魚可釣往獸可
獵回馬可騎乘牛可耕推作貢鷓鴈毛革兼該作賦
視地夏秋科催桑絲棗米庸調子來雖彼課鈔歲有
常裁况夫給噐磁鉄代薪炭煤旁溢他郡曷匪吾財

禹州志

藝文

卷之十

賦

二

此亦物阜而公私取足者也而何不樂之有主人曰
吁稅重役繁征求百出民脂幾何僕奚於茲之恤客
曰夫郡也屏華脫浮其民朴野士耽典墳其習灼理
菽泉惟甘不妍錦綺蟋蟀無荒相鼠有耻市鮮俠兒
塗微游女雖貧能勞尚德尚齒且夫曹張袁楊之孝
董李任梁之義陶孟諸婦卓以節著穆穆凜凜俱不
可及此亦猶有先王之遺風也而何不樂之有主人
曰吁兔窮則狡鳥窮則啄盜訟滿庭淳龐易剝僕安
憂乎哉客曰夫郡也靈秀 鬱逸民翩翩大

俯視軒轅箕山烟紫許瓢 捐夢吞鉄佛名僧
寶巖雪汗雨膏羨彼訾仙况夫道子之畫何必字顛
天書十六灼卜凌年是蓋蘭草谷隱蚌珠淵潛珊瑚
海底真鴻雲邊此亦可以問奇可以道古也而何不
樂之有主人曰吁僕欲經濟彼則遁世出處不同而
何屑焉客曰夫郡也皇皇禹邦克艱厥臣亦晉仕國
韓支强秦既入于漢循吏黃君潁川波遠鳳凰臺新
歷唐而宋治最胥臻勿謂金元賢守無人况兹我明
藹藹紛紛或振蠱以剔宿蠹或止盜以足疲民或勤

廉而留寇車或蝗旱而感商霖是雖牛刀之一試曷
非小舞而大伸此亦蛟螭之勺水樞筦之先階也而
何不樂之有主人慄然避席曰吁僕豈無志其如蒙
陋誠恐乎馱馱之奔風而獨睜乎其後也子何以佐
我客曰夫郡也若木桂枝襲人香馥瑚璉圭璋虹光
奪目天潢錫慶于名封宗子昭賢于芳服鎮社稷而
乂安撫生靈其仁燠况夫追遠迄今生材如簇如呂
文信才豈碌碌一字千金秦文奚贖懸留侯弧三峰
終爲帝師宗義辟穀延平 氏陰隲世續爾公

侯食報亦溥侍中曰毗議事 觸仍引帝裾直言
卒告乃若矯矯田畫責友無恧惻然光祖亦平大獄
若馬與劉均總政軸若任與党臺省相躅或蜚聲於
文菽或發跡於科目又有三鳳齊飛二驥並逐交萃
庭蘭爭輝昆玉與夫膠庠俊彥山林耆宿蓋更僕而
數殆未易焉是皆可則可師與教與育而何不樂之
有主人乃油然而喜接膝而坐曰吁至矣哉子之愛
僕乎不謂謏淺爰詣淵深取郡之尤實獲我心僕雖
不敏請事斯語矣爾乃舉酒相屬明月在天鼓琴而
歌鈞臺之樂融融也

禹州志

藝文

卷之十

賦

四

騶虞賦

明祭酒

胡儼

南昌人

永樂二年九月丁未周王獻騶虞於朝休嘉之徵其
儀穆穆臣民聚觀莫不忻躍贊嘆臣儼謹按詩序曰
騶虞鵲巢之應也格物總論曰騶虞似虎白質黑文
不踐生芻不食生物日行千里人君有至信之德則
應之瑞應圖曰騶虞義獸也人君德至鳥獸澤洞幽
冥則見凡若此者在昔徒聞於記載未若今日之覩
盛美焉蓋由聖天子德備中 建立皇極敦敘九

蕃育群生之所致也臣儼獲 嘉祥不勝慶也謹
拜手稽首而獻賦曰惟皇仁之溥博均覆載于兩儀
揭日月于中天昭運化之重熙九族翕以雍睦萬彙
耀而增輝曰爰邦興蠻貊皆稽顙乎赤墀天地氤氳
川嶽鍾靈迺產異獸魁然其形質皦皦而霜白文鬣
鬣而雲蒸目熒熒以夾鏡尾搖搖而參身見周南之
山谷乃鵲巢之休徵從二虎以爲衛豈百獸而同群
不食生物不折柔莖動則千里嘯則風生狻猊屏其
醜類麒麟協乎至仁息不蔭乎惡木渴不飲乎穢津

隱巖巒之烟霧遠林麓之煖塵於是虞人告祥喜溢
藩王爰命輕駕八鸞鏘鏘翠蓋葳蕤錦旂悠揚網繆
長坡委蛇重岡陟險巖披蒙茸列羽騎騰飛熊兔潛
形於三窟猿罷嘯于孤峰風泛條而蕭瑟月隱霄而
朦朧徘徊四顧蹠蹠微蹤衆禽迴翔百神護從願效
竒于靈囿遂託身于顯融辭長林之寥廓就廣路之
豐隆群邪爲之辟易壯士爲之改容乃獻金門乃陳
丹陛王拜稽首天子萬歲天子曰嘻惟王孝恭殿彼
邦光昭故封行通神明福祿 隆故茲獸之時出

其令德之所鍾王曰天子爲天下君乃聖乃神乃武
乃文功光祖考恩洽臣民德至鳥獸澤洞幽冥和氣
薰蒸塊圮無垠惟以和而召和故諸福之畢陳景星
爛兮璀璨卿雲紛兮輪菌禾異畝兮同穎麥兩岐兮
並芬文禽青兕重 效珍赤踷白象萬里來馴矧茲
獸之叟叟皆聖化之所臻未儲精于玉燭已垂象于
蒼旻于以昭至信揚德馨表聖知協義聲殆天以彰
聖人明明之治豈藩國之所敢勝況於是時噐車出
而朱草生甘露降而醴泉盈角端見而長庚呈山嶽

禹州志

藝文

卷之十

賦

六

呼而鸞鷲鳴與騶 而並耀垂不朽於丹青彼林氏
之五色暨璧山與瑯琊徒傳聞於載籍嗟歲月兮已
賒孰若今之昭昭應寶祚之靈遐乃有詞臣載筆鸞
坡爰效詩人形之咏歌歌曰吁嗟騶虞兮國之禎撫
不懼兮逼不驚黑章繞兮白毳明儵長嘯兮祥風興
履澤地兮食不生叅二虎兮從百靈王用躬致兮欵
天京改改穆穆兮其儀貞鵲巢應兮聖化成千秋萬
歲兮歌太平

鈞臺海棠賦

清憲
幕

陶澂

鈞臺故郡王府今爲兵巡公署有海棠一株高可數
尋每當花發絢耀滿庭繹堂沈太史日偕諸同人觴
詠其下予因賦以記之其辭曰維彼嘉樹生茲廣庭
交榦翳日繁葩粲星矜獨艷以自貴處群芳而不爭
迷朱門兮悵望臨春風兮含情若迺濯露未晞沉烟
欲起脩條握丹曲莖散綺旣蔚蔚而覆檐更爰爰而
照水儼幽夢之始驚或靚粧之未已及夫杲日初上
鳴禽載賡俛仰錯列高卑互章其乍覲也貌國承恩
之面其迫昵也壽陽試的之香其剪之畢發也妃媵

貫魚而在御其萼之並綴也邢尹受詔而同堂加以
葉迸千珠絲垂萬玉極妍盡態奪志搖目憎佛桑之
擅名賤翠芷之呈馥豈槎羅之自文較杉錦而尤蠹
穠李當之漸失天桃視之若恧沁麗澤於蜂脾沾柔
情於蜨魄斯度類之昭融宜觀者之未足於是主人
至止衆賓駢羅行酒離坐一彈再歌偉高柳之綽約
映方塘之陂陁紛落英與靡絮點粼粼之微波胡鬢
影之甚駛兮况余顏之旣酖錯華鐙以相續兮態連
娟而傲傴感時物之易化兮行遷延而摩娑安能結

巢于其上兮吾將與之終老乎巖阿

崆峒山賦

閻爾梅 古沛縣人

曰查山人昔以山左之難出亡許鄭之郊見其岑谿

崩險聚落疎涼不類近時風氣因嘆曰此古有熊氏

之墟夏之天子饗諸侯於潁木之上奏鈞天之樂處

也秦漢依川置郡猶為近古後代分道唐制分路宋制曰

鈞曰禹萬曆初鈞字避諱改禹州古意索然矣迺其形勝人物生

成不易者固可得而畧述之也大河以南長淮之北

箕山西踞箕山在禹州西古陽城南潁水東環潁水在北城門外三峯凸

禹州志

藝文

卷之十

賦

八

凹三峰山在禹州城南十里如筆架之橫案前二室嵯峨似雲屏

之張天際疏渠溱洧負宸崆峒崆峒者黃帝問道於

廣成子之山也金洞結懸窠之半上下無階石梯當

絕壁之陰微茫有竇厂無餘地道人每棧樹為宮谷

有靈踪游客常捫蘿代杖餌黃精于具茨山名丹遺鴻

寨山名題白松白松在密縣東黃帝塋三女處于大隗山名亦作地名碑斷雕

崖地名攜家隱士樵蕪虎豹之間采藥仙翁出沒烟嵐

之內吹別苑之風香窖藏嘉卉濺幽岩之雪瀑山度

餘音沙澄鱗見則旋目旋目一名鸚目鳥名低飛樹密禽交斯

畫眉新轉竹鷄翎翠

山多竹鷄

雒叢刺以無痕松鼠尾長

跳柔枝而不墜于斯時也歲維彊閉節邁秋分天影

漸隆露華微冷蓮栗之房欲拆榭檉之葉亂鳴柿比

霜柑棗如火齊

去聲

野蟀長吟于豆圃寒糶高嘒于梧

原晨風入牖美人之紈扇不情夜雨驚幃蕩子之葛

衣無用蟄虫得氣之先及晴坯戶玄鳥見幾而作乘

曉呢梁爰有雲間學士

忱繹堂諱荃

持節備兵方外嗣宗

時計子山陶季深在繹堂幕中

聯床揮塵山人喜之過而問焉髡鉗

既久畏洩真名縞紵纒通懽如舊識倒屣承筐異待

禹州志

藝文

卷之十

賦

九

忘年之友髯叅短簿同爲入幕之賓蕉桐夾徑無風

自奏筳簧蘿薜蕤橋得月皆成組繡西園命酒東閣

論文考郡州沿革之所從來補山海注牋之所未備

聲兼騷雅義取褒譏夏后之雲璈不振寂然陽翟之

臺

禹州古陽翟

姬公之圭石雖存歿矣郟城之鼎

圭石在嵩山東

南古城即成王定鼎處

田舍兒就澗飲牛孰爲巢父兵家子緣

林牧馬孰是襄郡

襄城縣在禹州南即七聖迷踪處

薄帝王爲勞形

不受天下無若是高人視秦楚爲奇貨可居世間有

如斯大賈

呂不韋陽翟大賈

軒皇以夢卜求賢浪傳風后

后風

皇帝四相之一
也今以山名
太岳之子孫失守不祀許田許太岳之後也

許田見春秋
觀齊師次陘之義陘山在禹州東北
王者不以兵車

讀鄭伯克段之文克段於鄆即今鄆陵在禹州東
天倫遂如讎敵聶

姊墳荒瘞佳人之血劍聶政刺韓相俠累即今禹州
留侯宅廢埋

力士之沙椎留侯韓人即禹州乃哀侯遷都處
卓使君有功於漢仍

修密縣遺祠漢卓茂密縣令也今屬禹州時密縣修卓君廟余為之記
韓公子何

負於秦竟起雲陽大獄韓非
聽戰國策士之談耻諸

侯之不為鷄口罹甘陵黨人之禍知司隸之無愧龍

門漢李膺潁川人今許州在禹州之東
於是為之歌曰萬里游兮江海

禹州志 藝文 卷之十 賦

烟蹋焦堯兮西風前撫白松兮叩朱絃星斗衰兮光

皎然黃金成兮服長年再歌曰陟崆峒兮臨丹厓芝

草芳兮賢人來吊潁川兮三峯開碧梨紺棗貢瑤杯

鳳凰集兮次公臺黃霸為潁川太守即此或謂許州非也
三歌曰嶠函

嵩少闢雲門自此之東皆平原河山秀兮香網縕群

仙醉兮絲竹芬文章五色銘丹珉四歌曰寶劍之芒

青瑟瑟王母佩之搖玄霽發玉函兮字銀漆神物護

之龍啾啾授佳人兮光如日五歌曰黃帝愚兮有童

心師廣成兮大鴻陰海風無際摔綠琴夢歸來兮天

冥沉霜木彫兮草蟲吟歌畢主人樂甚於是洗罍移

筵開窻納月長郎侍坐短僕行觴謝劉子之雕龍酬

楊生之吐鳳姓字非常賸吏皆破顏微笑悲歌不俗

兒童亦刮目相看語言之外如有共患之情歎洽之

餘畧無避嫌之色韓信之獻故人本以畏死也然而

何嘗不死臧霸之招亡將非以求生也然而何嘗不

生委數於天修名自我如此居停時人固不辦此也

於時猗氏

王似鶴
諱倉光

鉅鹿

楊猶龍
諱思聖

陽城

王半石
諱克生

大冶

余兩

石諱國柱

諸君子之宦大梁者莫不下榻繁臺執鞭雪苑

禹州志

藝文

卷之十

賦

十一

山人之名以此漸漏遂不復留滯於河南矣循褒斜

嶓岷以西去棹巴涪沔漢而東還江淮熟路翻似魂

游桑梓窮交半登鬼籙着優孟之衣冠不倫特甚思

向平之婚嫁無計云何因而臨風告墓冒雨擔簦叩

牛角於齊門尋狗徒於燕市晉伯知音問南冠者誰

氏

鍾儀事見
春秋傳

楊公釋罪嗟北海兮何人

孔北海救楊
太尉事見後

漢書

晏子脫驂支公放鶴賢者急病讓夷心非望報高

人解紛排難口不言功

龔孝升為大司寇
為余題疏事得解

昭王懸價

能噓死馬之骸豫且開罍不食窮

之俎遂使張儉

歸田重逢李篤趙岐出壁再遇孫嵩

俱見後漢書

嘆如流

之歲月倏爾十年悲漸老之音容依然二仲

計子山陶季深

時又在沈子座中

昔潁今幽閑河自異秋深春暮烟雨猶同

當失路時望門投止常因患難生情及還家後終歲

應酬翻覺平安無味分題拈韻卽事咏懷慕十行之

漢札篆用銅章臨千字之隋書門施鐵限

沈子工書故云

四

座雅言鄙士龍之傲鳴鶴一堂名俊喜季野之尋孟

嘉集管絃於昭文閣上協以宮商結粉榆於宣武門

前勒諸金石

詩 五言古風

遠懷舍弟穎觀等 弟寓陽翟 唐工部員外 杜甫 襄陽人

陽翟空知處荆南近得書積年仍遠別多難不安居

江漢春風起冰霜昨夜除雲天猶錯莫華萼尚蕭疎

對酒都疑夢吟詩正憶渠舊時元日會鄉黨羨吾廬

離陽翟 宋龍圖閣學士 張耒

驅車發潁川回望失嵩少霜氛塞層空黯淡寒日曉

原田際天平百里見飛鳥累累道旁邱石獸卧衰草

不知誰氏碑剝裂偶未倒支離見隸字書帶漢筆妙

禹州志 藝文 卷之十 詩 十三

遺墳不可問文彩竟何效永年恃金石此計久可笑

昔遊已三歲存歿傷懷抱飽諳人世憂安得身不老

潁亭留別 金尚書員外郎 元好問

故人重分携臨流注歸駕乾坤展清眺萬景若相借

北風三日雪太素秉元化九山鬱崢嶸了不受陵跨

寒波淡淡起白鳥悠悠下懷歸人自急物態本閒暇

壺觴負陰嘯塵土足悲咤回首亭中人平林淡如畫

潁谷封人廟 前名

洩洩潁谷雲漣漣潁川水封人去我久水雲白清美

人言君善諫微意得鄭子特于悔悟時一語發天理
大孝動天地土苴及頑鄙反身而未誠善諫且敗矣
如何千歲下乃與毛焦比我行潁川道永念負甘旨
願作潁尾魴因之日千里

追憶潁亭泛舟寄陽翟諸友

應奉翰
林文字 李獻能

十月冬氣寒清霜殞群木輕舟泛潁水微風吹野服
信流不知還石艇橫老玉苔花錦爛斑懸溜珠簾藪
頗離塵市雜倒瀉軒裳俗歲月今幾何春草萋以綠

禹州志

藝文

卷之十

詩

十四

懷歸劇饑渴仰羨雙飛鵠矯首九山雲迢迢傷心目

留侯洞

明郡
守 徐明善 邵陽
人

嬴秦並六合韓國其墜哉子房爲報讐擊車傾崔嵬
遜名下邳橋受書騁奇才輔漢際隆準萬里風雲開
智術超園綺立惠扶綱摧見幾從赤松青山路莓苔
冥鴻迅然去高舉焉能回昔生櫟邑南潁水嵩少來
宦遊一眺覽悵快無疑猜邈思知進賢雲巖屢徘徊

送沈繹堂太史治兵禹州

清少
保 劉正宗 安邱
人

沈子戒行役言向嵩河道樹羽古鈞州應及秋風早

子本金閨彦邱索恣探討既負屏翰長囊鞬偏亦好
王事有馳驅毛錐焉足老茲地余舊遊睥睨清潁飽
高峙鳳凰樓韻情未枯槁顧值滄桑餘民生苦草草
瓠子璧初沉黃流尚浩浩利病動相關子遺貴終保
素無溫飽謀肅官乃自考突兀留鑿坡一去跡豈掃

潁亭

清刑部
尚書 王士禛 新城人

青山圍潁亭下有清潁流石瀨何淺淺力始勝方舟
金沙映素篠策策千萬頭斜日照冰雪微風矯輕鷗
側身望終古企彼巢與由粃糠鑄堯舜心與造物遊

禹州志

藝文

卷之十

詩

十五

不逢掛瓢人北指軒轅邱

聶政

清宏
博 許鏘 上元
縣人

女子着巾幘率以身事人哀哉聶家兒胡爲蕩其身
羞爲此身屬仲子是以破面蒙其眞吾則爲之幸幸
其篤天親今以慷慨始一諾無逡巡便是千金易賤
骨後人無復重天倫

聶政姊

前名

殺身以成名古來男子事殺身不成名我爲聶政異
殺身成已名男子古多志殺身成人名聶政姊無二

飲禹城北

清孝廉翁深
徐州人

此時禹州地古所謂陽翟我來恣所遊西風寒瑟瑟
策蹇入城中秋山城外色得茲佳主人夜墻聽蟋蟀
明日約張生凌烟出橋北把酒風后臺廣成手相汲
夜半美人釵玉雜蒲桃黑

鳳凰臺故址

郡守劉國儒
遼陽人

鳳凰不出世阿閣始爲巢舜文時再至五采而九苞
後世德未盛國事無徵慶乃有黃次公獨能致之境
漢宣褒其賢神爵紀青編流風久不泯臺猶在潁川

禹州志

藝文

卷之十

詩

十六

我今來作守慚躅循良後滿目荆榛中徘徊問老叟
老叟爲余言臺逼南城垣昔時黃太守政寬而不煩
鳳凰遊此地文羽曾翩翩臺成千餘歲時見過高軒
遷延明季末流寇忽雲屯城破忠良死日暗天地昏
廬舍遭灰燼人民皆慘冤至今五十載惟看野草蕃
本朝重廉吏凋瘵勞撫字生聚漸殷繁興修尙有俟余
聞心感傷涕下欲沾裳民事愁多困前型詎可忘次
第行吾政此臺且莫荒

題劉蒼佩直方齋

太史竇克勤
柘城人

天地之大德藏用與顯仁君子何所事去妄以存眞
存此心之靈兩大賴維人力雖別高下學須見經綸
位育吾黨責斯道豈沉淪鄒魯繼唐虞垂訓日諄諄
上下千百年統緒及洛閩著述徹奧旨六經探討新
表章大義昭後世悉凜遵君家詩書舊閱閱著垂紳
昌後乃令德奇姿誕君身蚤服趨庭訓溫潤表德純
儒術雅自好樂道在安貧有齋名直方敬義功惟親
道岸登由我不孤自成隣悠悠陽山側大雅範人倫

文廟古栢歌

郡學正人 孫用正 輝縣人

禹州志

藝文

卷之十

詩

十七

古栢何奇特生長在學宮亦似沐薰陶詎與凡樹同
大者挺然立勢欲摩蒼穹譬彼回與參領袖爲群宗
一株背而俯旋轉文理工枝幹皆盤曲攫拏如繆龍
一株依崇階蒼然類秃翁瘦瘤何纍纍氣槩殊熊熊
階上列兩株侍立西與東左者垂長條宛若虬髯翁
又如端黻冕德儀望顛顛右者矗兩岐怒拔如臨戎
鐵幹排楂枒依稀勇士風其餘兩三株掉背各爭雄
朴拙成別趣總無時俗容鈞陽古名勝地脉發高嵩
清潁環曲曲三峰抱重重以茲先聖廟蔚爲靈氣鍾

豈惟毓英賢草木荷神功我來結同心晨夕欣過從
摩挲欲忘饑安知窮與通栢乎栢乎長安上苑桃李
紅山澤之癯難入叢工師斧斤磨霜鋒良材何處容
潛踪不嫌寂寞官墻中衰朽相對可固窮漫思雲雷
風雨騰長空

襄陽遇李崆峒女孫訪其先墓賦五言示之

辰州
郡人
通判 劉 湛

有明三百年崆峒擅詞場豈但詩人秀直節聲烺烺
今日海內士誰不誦詩章公之垂大名如日星輝煌

禹州志

藝文

卷之十

詩

十八

當年籍北地家實居大梁後來座玉處乃更出吾鄉
郡北三十里有山名大陽公墓在其前鬱鬱帶群岡
至今具茨麓公仍有遺莊子孫三四世梁土未曾忘
曩時河水沒梁民盡散亡公之諸裔孫不聞過墳墻
更苦遭寇慘墳土竟毀傷黃腸猶在壙遺骸棄山荒
我友有韓子釀金爲殮藏前年學使者檄建公祠堂
千秋列俎豆頰岸表遺芳余也曾再拜題句揭前廊
列狀鳴臺使求嗣祀蒸嘗今者宦湖南病告將北翔
兒玉省我來取道適出襄突遇逆旅媪乃能道公詳

實公之女孫流轉寓此方記公諸詩篇尙能誦結腸
且言公有孫媪之昆弟行向來居朱仙音耗久茫茫
兒來爲余言感嘆意徬徨歸途乃訪媪及其諸子郎
謂言公瑩域麥飯久荒涼安得媪北返移居近塚旁
春秋勤洒掃塚前澆一觴昔時李太白女孫落農桑
得遇范傳正青山墓始彰今余愧非范立傳爲公颺
但念陽山壠媪也倘欲望訪我能導汝得無道路長

忠烈李公祠

明經 趙冬晟 郡人

我公舟楫才出秉憲臣節蹇帷臨潁水慷慨念君國

國步艱難會天心竟叵測百廢雖稍興整頓未越月
那當大侵餘哀鴻泣中澤逆賊姿蹂躪烽火遙相接
悉衆拔洛陽席捲薄陽翟鞶鼓動地鳴山川欲崩裂
守禦固多方勢蹙心力竭振臂戰城頭殺人手自格
雲黯鼓聲死鬪苦矛頭拆寡衆本非敵身俘齒猶切
寇曰屠此城不然憤罔洩公曰我爲政與民何所涉
終幸賴此言巷陌靖流血再拜北向呼皇天高無極
城陷身則殉豈復惜寸磔齒爲睢陽齒舌是常山舌
仁至而義盡慘死何足說飽騰群寇颺廬舍縱焚劫

朝烏啼散墟夜鬼號廢宅城上雜燐火城下羅人骨
檢點收公屍曾不變顏色座彼結纓地對此孤城堞
明年公甥來輿襯返而北民間三日哭祖道牲羅列
迄今四十載念之仍恍惚可憐英魂遠忍使遂煙滅
廟祀崇俎豆芹藻薦豐潔勒名一片石穹窿高千尺
世亂見忠臣萬古留餘烈

犢之水二章

明經
趙冬晟 郡人

犢之水皓皓乎白雪酌彼澄潭手弄明月軒冕泥塗
萬戶眼屑長嘯歸來中心曠絕

禹州志

藝文

卷之十

詩

二十

犢之水帶繞乎園林彼高尚者清風自任予亦棲遲
不洗其耳但洗其心

丁卯春日同李崆峒先生甥孫孟仲昭謁陽山

舊阡志感

明經
劉玉威 郡人

吾郡大陽山崆峒先生墓遺蹟久荒涼誰向墳前顧
憶昔遊襄陽解鞍在旅寓先生有女孫白髮欣相遇
灑淚問梁園家世一一訴我爲道其詳得慰平生慕
今者遣嗣君遙認松栢路千里一瓣香展拜壠頭樹
壠頭靄春雲野花幾枝護覓碣洗苔蘚杯土塞狐兔

徘徊夕陽斜依依未肯去先生知甥來地下應安豫
歸去報萱堂爲道壠如故甥來卽女來莫漫悲霜露
何時重策蹇訪我還一赴

犢水園述懷

文學

周德滋

郡人

園傍犢水西南隣潁水溪我樂蓋何如樂茲邱壑美
攸居寧矜詡巢父之舊里田猶巢父田水猶巢父水
耕田而飲水味趣奚所似當春課耕耘及秋收稷秠
醞酒不獨酌往往對知己閑閑聊自賞詎願過城市
度幾熙皞風仰古學知止

禹州志

藝文

卷之十

詩

二十一

王烈女棄山行

女聞壻亡自縊其父棄
之山中木葉旋而爲塚

女子重節烈此女更爲苦捨命從夫死終不見夫主
阿爹不諒人送入深山宇深山不識路欲歸迷山戶
朝依山外雲暮宿山頭雨空聞河漢渡無緣架毛羽
此身化爲石此心終難腐遙望君子廬默默自千古

七言古風

早春偶題

宋右
正言 崔 鷗 郡人

寒風浙瀝鳴枯葦小鴨睡殘猶未起更教細雨結春
寒坐聽蕭蕭打窻紙石盆養蒲已抽翠雕斛裁花先
弄紫擁爐閉閣賦幽香未怕春冰生硯水

三峯山歌

并序

元翰
林 迺 賢

鈞州陽翟縣南有三峯山昔我睿宗在邸嘗統兵伐
金與其三將完顏合達移刺蒲兀兒顏斜烈等鏖戰
山下破其軍三十萬而金亡矣今百餘年樵牧往往

禹州志

藝文

卷之十

詩

二十一

於沙礫中得斷稍遺鏃印章之類至正五年嘉平第
二日予自臨城將上京師道出陽翟夜宿中書郎郭
君彥通私館感父老之言而作歌曰

落日慘淡黃雲低懸崖古樹攢幽溪三峯山頭獨長
嘯立馬四顧風淒淒溝邊老翁行傴僂勸我停驂爲
君語山前今日耕種場誰識當年戰爭苦金源昔在
貞祐間邊塵四起民凋殘燕京旣失汴京破區區恃
此爲河山大元太子神且武萬里長驅若風雨麇兵
大雪三將死流血成河骨成堵朱鸞應瑞黃河清聖

人啟運乾坤寧當時流離別鄉井歸來白髮歌承平
曠野天寒霜簌簌夜靜愁聞山鬼哭至今壠上牧羊
兒猶向草根尋斷鏃論功衛霍名先收黃金鑄印身
封侯英雄半死鋒鏑下何人酌酒澆荒邱

送李叔允修撰致仕歸釣州

明誠
意伯

劉

基

青田
人

憶昔西京祖二疏都門供帳羅長衢金張許史集軒
蓋彈琴鼓瑟吹笙竽頰顏鶴髮映霄漢蒼松翠栢紅
珊瑚道傍觀者皆慨嘆此士足爲天下模先生胸蟠
五車書雍雍進退安且徐披香朝侍紫宸案珥筆畫

禹州志

藝文

卷之十

詩

二十三

入承明廬引經論奏動天聽天語親授非臚句老年
謝事歸里間召見特許兒童扶臨軒賜膳侑金幣尙
食供奉黃門趨夜來微雨清郊墟緗黃漚柳鶯相呼
風吹暖烟逗白日露濕芳草留驪駒雖無旨酒嘉穀
蔬短歌一曲聊踟躕浮雲流水無根蒂人生何者爲
驩虞嵩高少室衆美奧素石如玉泉如酥時清四野
樂耕稼雉鳴麥秀千華敷親朋會合各慰意况有令
子知勞劬揮金買酒泳聖澤怡情之外吾何須西飛
鴻鴈東飛燕相思迢迢天一隅贈言有盡意不盡努

力善保千金軀

鳳凰臺

明河南
僉事

劉

咸泰和
人

高臺峨峨鳳來棲乃在古潁城之西鳳去不知今幾
載空遺百鳥啞啞啼傳昔漢家全盛世黃霸爲政多
奇異鳳應覽德降丹山五彩翩翩一朝至其音噦噦
遍潁川聽者一似聞鈞天漢家天子表祥瑞直以神
爵名其年千金築臺高萬尺爲愛靈物數來集至今
閑花野草中尚有當年舊形迹自從霸死歸山邱鳳
亦豈曾來上頭獨留遺愛在史冊令人想慕思悠悠

禹州志

藝文

卷之十

詩

二十四

我來弔古頻登訪臨高縱目空惆悵明良相逢正此
時會見爾復來其上

前題

明監察
御史

薛

瑄河東
人

吾聞鳳凰不與凡禽栖隆周之時曾集灃鎬西鏘然
一鳴向人世喧啾百鳥不敢爭與啼昔有名臣黃霸
生漢世治民之才迥與時流異潁川出守曾幾何休
徵數感靈禽至靈禽文彩明山川和鳴噦噦聞中天
遂築高臺表神瑞臺空鳳去餘千年只今壞埒纔數
尺野鳥紛紛競來集簡策空存記瑞年荆榛不復快

覩迹我來驄馬登高丘荒臺已遠猶回頭爲憶循良
心耿耿緬懷瑞物情悠悠鳳臺鳳臺重搜訪往事何
須空惆悵方今聖明治理登俊良會見一朝飛入青
雲上

前題

明郡守 徐明善 邵陽人

炎漢盛時 爵樓五色呈瑞黃臺西實由次公多善
政德召和氣靈禽啼此禽曾出蒼姬世九苞彩翮眞
奇異食殘竹實鳴梧桐音諧律呂虞廷至讎讎喞喞
過潁川羽族無種生自天循良有道協徵應紀元曾

禹州志

藝文

卷之十

詩

二十五

見名當年昔時築臺高幾尺爲表鳳凰來上集鳳去
臺空不計秋苔蘚蒼蒼留舊迹跡荒烟冷慘林丘日
落鴉歸啼樹頭遐想霸遺仁澤厚後人景仰情悠悠
顧予爲牧嗣尋訪弔古思賢獨惆悵願言祥物復飛
來大雅同音頌君上

前題

郡守 鄭珪

鳳兮鳳兮何所棲堯廷舜階周鎬西來儀自是彰聖
瑞百鳥豈敢爭與啼厥後不知經幾世治道漸乖時
亦異春秋迭霸德愈衰宣尼嘗嘆久不至如何一旦

來潁川目比日月頭象天五彩翩翩留數日一臺屹
屹遺千年昨登層臺高百尺爲愛鳳兮曾久集鳳去
臺荒人已遠建成耿耿昭偉績 予嗣守弔古邱九
年庸碌願低頭安得鳳兮仍一至緬懷不覺情悠悠
昭代賢才俱見訪功就底許倍惆悵丈夫有志事竟
成姓字繼書青史上

石門行

清孝廉 翁深 徐州人

吁嗟石子之岌嶷石子斑斕夾前道荒罅水瀉聲漕
漕翁鬱林莽薙不了樵兒腰鎌指南山中有白額哮

禹州志

藝文

卷之十

詩

二十六

且眠長車短載去不得行路中人益悼難攜瓶索漿
注爾鐵鎗嘽嘽時御火龍行爲君挽枝作裳檠亭亭
雲直出天峰

禹湯王廟

郡守 史廷桂 蕭山人

二王舊各有廟今圯矣辛丑八月再肇造之
落成致祀題壁代碑

禹王明德遠無疆始封之國爲鈞陽鈞陽傳作夏臺
地肇祥齊聖開成湯山川締結二聖澤牲玉千載垂
蒸嘗中原盜寇劫灰起龍蛇四壁同飛揚螭碑鳥字

蒼蘚蝕夏瑚商璉無燹光巡梁憲使南宮傑瑀戈節
鎮民物康特捐清白天家俸爲建馨香斯享堂惟予
小子亦司牧敢避勤劬謝不遑作冶荆山鏐鐵紫大
隗杞梓具茨樟陶泥斲石鳩工喜輿隸商農盡畚筐
東西並成不十日兩王祠宇爭輝煌王也有靈鈞在
世王也有學今淪亡人心道心十六字虞廷授受非
荒唐綏猷惟后存恒性此性存存萬古長俎豆報功
崇祀典徘徊親炙嘆羹墻憲公努力宣斯意我輩何
人敢悖狂但憶秋風祠下路青青松栢數思皇

禹州志

藝文

卷之十

詩

二十七

賦得徽王故宮

劉光祺

遼陽人

鈞陽春風桃李陌桃花殷殷李花白花開花落杜鵑
啼飛入故宮啼血赤故宮昔日競繁華碧瓦朱甍帝
子家一時宮女顏如玉絕勝春來桃李花鴛鴦合住
黃金殿行遊或在鞦韆院日暮笙歌繞畫梁夜深宛
轉搖金鈿如許繁華樂事多猶言傾國不如他非關
粉黛無顏色見慣尋常奈若何誰家女郎年十五雲
鬢霧鬢能歌舞盈盈新月畫睂頭南陌羅敷奚足數
君王道是洛川神奪置深官第一人本擬同心托連

理不言嬌小怯橫陳辭恩涕淚君王怒恃力驕矜渾
不顧須臾薄命向重泉佳人難得夫何故上書告訐
銅龍門天子震怒臨前軒國法那肯貸親貴緹騎東
西紛逐奔詔書尺一甚迫急出宮恐怖入宮泣妃妾
纍纍相對殉百年魂斷嗟安及昔時帶礪恃宗盟轉
豪奢一旦傾無復娉婷藏艷質幾曾蕭管奏新聲
可憐臺榭荆榛圯可憐全盛紅顏子白楊風起北邙
塵自古王侯盡如此我來憑吊有餘哀滿眼繁華安
在哉蕪城雨色悲邱壠梁苑春深沒草萊不及陌頭
桃李色年年開落無休息看花一倍惜春工朝出城
南暮城北歸來却刳故宮傍杜鵑啼處月蒼涼更逢
清笛悠悠發不是此聲亦斷腸

打虎兒行

清博學
宏詞 毛 姓 江右
人

打虎兒乃在汴梁之禹州禹州城外朱家樓小兒十
歲隨父耕深林有虎斑毛成颼颼野風吹草根乘風
攫人誰敢攫小兒不識虎乃亦聞虎名虎來小兒悸
欲啼掀唇舐父脚其肢兒啼直前前無怖手杙打虎
斷虎路三尺童子五尺杙打虎落毛傷虎臆虎驚顧

兒舍父逃深林豐草皆無色禹州刺史呼小兒裹之
以帛飽以糜予時在署識兒面身髮穉弱眞兒嬉問
兒打虎虎何似舉手張齒作虎勢假虎隱幔恐小兒
小兒復悸將啼歸當時見虎得無怖此事我亦昧
其故禹州刺史省得知是日小兒知有父男兒七尺
傷父心天寒棄父行求金安得杖劍若長杙與子同
日還深林我所思打虎兒

箕頰歌

石曰琮

濟南人

堯讓天下於許由此事當年果有不由兮若耻爲帝

禹州志

藝文

卷之十

詩

二十九

起倉猝臨流洗其耳咄嗟巢父來飲牛不使吾牛飲
下流耳有污焉借水洗水其污矣污牛齒此日溪流
流復明上流下流一色清一溪舊繞箕山注風雨時
聞溪水聲近有溪邊高卧客朝朝暮暮清溪側莫問
洗耳與飲牛古人踪跡半磨滅空山曠漠渺無人淒
淒但聞虫語切終年崖谷常寂寥夜靜風搖碧波月

打虎兒

拔貢

陳鳴臯

郡人

朱四兒年十歲隨父業樵一日奪其父於虎口以
歸或信或疑太守於幔爲虎召而試之則駭而趨

走毛子大可曰其時惟知有父故不知爲虎也太
守旌其孝余旣頷毛子說且將以告爲人臣子而
猝有君父之難者目無虎斯堂有父矣不然駭而
趋走何有于真僞之間哉闢我坦途又其餘爾

深山猛虎搖白額月黑磨牙風烈烈潛伏莽蒼意貪
餐草色荒荒辨不得老樵自昔慣採山不問山白山
路黑夜半呼兒起着衣兒年十歲眠方熟破被擁頭
屢欠伸腰斧俟久怒聲急兒走呼爹摩睡眼追逐空
林踏落葉晚霜凜凜山骨冷初日拂拂石稜赤蒼茫

禹州志

藝文

卷之十

詩

三十

纔經淺草叢龍鍾已逼猛虎腋猛虎得食慰虎俵攫
人蹲踞惜氣力魑魍變色山鬼號顧盼欲紅怒目側
兒惟見父不見虎挺掣飛電走霹靂奮迅一擊天地
寒努力挺折虎流血竄林木兮死邱垤父幸生還淚
幾拭秦鹿魄失博浪椎當年空使副車折河水潛行
鬪老龜一驂何惜水中没君不見豺狼處處坐荆棘
當路噬齧人骨白安得壯士一如打虎兒掃除畏途
海甸帖嗚呼掃除畏途海甸帖

過趙淑人故里見小樓基址獨存

文學

馬

淑

郡人

鈞陽城西埋俠骨高塚千年峙突兀鈞陽城內淑人樓貞風扶持不可沒梅竹老去芳吟歇小樓獨照當時月班姬謝女曠代才獨有丹心自超越

神芝圖歌

明經

劉玉威

郡人

崆峒矗矗凌雲起東接有熊舊帝里曉日深山翠輦來爲訪廣成眞仙子黃蓋峰前丫髻逢手持玉檢雙瞳喜金芝九葉燦生雲神光搖蕩畫圖裡願祝吾皇壽萬千瑞草更非靈丹比西池不數王母桃函關漫說盤根李天生神物幻奇踪世上丹青敢媲美我來

禹州志

藝文

卷之十

詩

三十一

欲覓古仙人一澗落花隨流水

巢父洞卽景十韻

郡尉

吳弘士

西冷人

流風高潔巢由起洗耳飲牛同此水粼粼白石一泓清下流爭與上流比多少風光占洞門半篙晴日宛在址南崗翠靄帶烟浮北嶺笛聲歸牧邇青青楊柳籠沙堤影入沉潭明月裏片石足張琴上絃垂竿可釣溪中鯉噴珠流玉聽山泉飲犢棄瓢臨水湊眼前有景堪徜徉何必侯王天下士幽谷盤渦鎖翠微鑿作巖棲是周子考槃弗肯輕告人巢父得名應不喜

八士歌

學正

孫用正

夏峯人

汝潁之地是何地山川盤鬱鍾靈氣鈞臺一饗幾千
年不與滄桑同變易有明人物推端肅群賢繼起何
簇簇天教人瑞表中原最後還有八士出八士之首
推道伯師事晴川學有脈敦本睦族見古人遺風至
今猶烈烈魏家兄弟稱二難黃門慙直尤敢言端方
持重司空是名高一代誰能先大哉子雨真孝友勁
骨稜稜氣糾糾逆鱗敢批折強藩更有邊功照泰斗
別調最愛王用賢入世出世真翛然生人有產還嫌

禹州志

藝文

卷之十

詩

三十一

賢冥心律呂得真傳其他二子尤足異人間並不留
姓氏我來司鐸潁水濱摩挲斷碣空傷神斷碣摩挲
心似醉願言後輩休前輩高躡步趨常有人此碣千
年永不墜

忠孝歌

爲余忠莊公暨子貞
孝先生崇祀建坊作

明

張宿源

郡人

明季流氛遍地起蹂躪中原幾千里戰將縮朒守臣
懦止知全軀保妻子就中李闖更梟雄誰能堂堂與
對壘自破襄陽與洛陽賊騎長驅圍大梁援汴詔出
左家軍選公監紀卽戎行良玉行兵素驕蹇公入旌

旗變如霜陷陳曾脫督師圍殲渠幾使豺狼僵援桴
直逼朱仙鎮營屯忠武古戰場殺氣已吞賊人胆賊
夜偷營忽擾攘左帥移軍逃避去公獨血戰作國殤
平原罵賊段公笏公之正氣與頡頏是時君門萬里
遠奇烈何由達上方惟公有子性純孝行求公尸亟
表揚直指具陳蒙褒嘉贈官賜諡諡忠莊更念孀母
矢終養心則孺慕身則藏鄉人稱孝言無間臚列行
事爲上章

盛朝褒重是人倫竭力無異能致身馨香俎豆崇祀遠

禹州志

藝文

卷之十

詩

三十三

峯嶽棹楔

恩榮新大書深鐫標門戶堪作公家忠孝譜光彩豈但

耀一鄉更有青史傳萬古

東門古鐘行

宋鐘大萬勛郡守自
蔡狀元寺移置東門

清孝
廉

王聿修

郡人

古人不復生古鐘猶可見滄海幾處化爲田神物鬱
鬱久不變憶昔當年鑄此鐘精鐵入爐白雲封飛廉
鼓扇來神風垂匠盤模奪化工參酌古製嚴格律猶
有夏簣周爨質鞞鞞噌吰出範冶山聳嶽峙勢峯嶽

猙獰虬螭爭欲負噴浪長鯨昂巨首卦文乾象佩腰
問斯篆史籀壓蝌蚪鐘成懸在文忠宅爾來閱年已
七百餐風齧雪知多少苔不封分蟲不齧獨恨終朝
供釋子狀元宅廢無人祀秋雁嘹唳春雲悲胸中含
愁聲欲死鈞臺主人垂鴻恩後車載至含春門朱欄
雕甍摩空起畫棟森列若雲屯東瞰琅城當門戶嵩
少西來植鷺羽三峰連絡樹宮懸具茨薩從作後拒
我今登臺眺鈞陽山高水峻兩茫茫此鐘委地無人
舉況說昔年白玉堂君不見銅駝久埋在荊棘鐵人

十二無顏色石鼓斑駁槌不響金鼎淪沒那可識惟
有此鐘依然在日往月來任遞代爲問此鐘何日鳴
鳴時應有狀元生

五言律

送黎燧尉陽翟

唐戶部郎中 盧綸 河中人

玉貌承嚴訓金聲稱上才列筵芳艸偃驟馬綠楊開

潘縣花添發梅家鶴暫來誰知望息者空逐路人迴

閑居石牛莊

宋右正言 崔鷗 郡人

不識春風面知從底處來紅深桃靨艷綠靜水簾開

物外心常掛人間事不諧從今江海去無復世推排

代書招崔德符

宋御史 鄒浩

北風鳴四野饑鳥下黃昏寒燭照無孤懷誰與論

禹州志

藝文

卷之十

詩

三十五

伊余賤招隱撫事倍銷魂莫使衡門下朝來獨負暄

具茨憶濟北弟姪

宋 晁冲之 流寓

久留思吾子生涯滯故鄉獨攜高士傳翻憶紫香囊

合榻言猶在同堂樂未央翩翩春艸夢隨意遶池塘

陽翟道中

金尚書員外 元好問 秀容人

長路伶俜裏羈懷蒼茫中千山分晚照萬籟入秋風

頻見參旗縮虛傳朔幕空故園歸未得細問北來鴻

穎亭

元大理寺丞知縣事 田云

探記得遺趾開亭還古風鳥聲來靜外雲影落閑中

軒隗風流在巢由事迹空重巒三十六斜去帶春松

前題

元忠武軍
掌書記

張公儒

舊趾剪荒棘新亭臨上游行人指喬嶽老度清流

雲牖寒飛幕風磯纜小舟客來禾黍熟蕭颯動驚秋

前題

元許田
縣令

張仲翊

舊趾嘗同訪新亭此構成一軒臨斷岸萬象入前楹

風靜灘聲遠雲消嶽色明巢由有遺跡千古見高情

前題

元主
簿

呂文昌

亭荒嘆歲久智者復經營風月情懷迥山河氣象清

禹州志

藝文

卷之十

詩

三十六

樵歸烟外徑農趁雨餘耕萬古惟箕穎前賢自此名

遊存真宮二首

明郡
守

劉

魁

廬陵
人

策馬東門去尋春潁水邊淵魚豈外物花柳亦吾天

伯子偷閑句堯夫觀物篇個中能契者不作景流連

前題

前名

雨過風塵淨春來艸樹鮮閑遊豈不可好景况無邊

古洞名猶在存真妙不傳壁間留石刻猶自恨當年

題蔡文忠公墓碑

前名

景德當年寺文忠此日墳人知崇異教誰解愛斯文

舊塚憐新雨豐碑切暮雲彈琴過桓墓可有効慙勤

登聶臺二首

前名

眞武千年勝斯文半日間登臺望北極把酒見南山

邈矣形骸外超然天地間未須悲往迹塵世幾開顏

前題

前名

鷄黍聊三酌乾坤本一家山光隨掩映樹影自橫斜

但得閒清晝何須拜白麻明時良可惜又已近黃花

飲禹州李氏園

明詹事袁宗道 公安人

古郡溪山郭名園花竹樓麝香眠淺艸翡翠立晴洲

安得一生那能十日留公榮定誰似是客可銷憂

懷王具茨

明編修劉理順 杞縣人

伉爽多屯蹇州霞暫掩門數莖白髮短一片赤衷存

世事干戈重人情車馬奔桃華穠矣盛何似野梅尊

送余天有樞部市馬

前名

烽火中原滿請纓亦壯哉車驅千里外梅報一枝開

龍種何難遇天機不易裁知如司馬漢雲錦邊風埃

遊太平菴二首之一

清閻爾梅 沛縣人

怪卉蒙幽壑深山獨自僧四圍霜葉岸一架木香棚

昧火能敲石空牀不掛繩跣跌西閣上窻月與傳燈

過禹城有感

清 潼道 史應選 懷慶人

箕城風清 烟霾已盡開市廬尚瓦礫夾路長蒿萊

茂艸芘狐走 憐鬼哀喜看中澤畔肅羽雁初回

題洗耳河

清 郡守 朱 裴 聞喜人

生逢堯舜世下有巢與由灌水洗污耳牽牛飲上流

耕箕看逐鹿 穎伴清鷗奇節橫千古子陵方許儔

丁酉九月同諸子再登三峯山二酋

兵 巡 沈 荃 華亭人

秋色三峰麗揚鞭指翠屏晴巒迷近遠錦樹雜丹青

笳吹林間發霜砧野外聽勝遊思戲馬那忍負山靈

前題

前 名

謾謾山風起蕭蕭木葉乾詞人揮玉腕侯騎簇金鞍

谷暝踈鐘動天空過雁寒高吟猶未倦微月上林端

度大驄山 四首

沈 荃

策馬春山道和風拂面輕礪花不辨色谷鳥自成聲

陟磴看雲立捫蘿倚險行賞心逢勝地處處好題名

前題

前 名

石密初無徑林開忽有天松杉高蔽日棘枳暗藏烟
金鼎仙人竈丹砂玉女泉崆峒原不遠笙鶴去何年

前題

前名

峭折千盤上微茫一線通馬嘶青澗底人語翠微中
仰面峰疑墜回鞭路已窮松間聊息影謾謾下清風

前題

前名

稍喜烽烟息翻憐邱壑存年荒收橡栗日晚散鷄豚
婦子還相保篝車未敢論班荆話田父惻惻暗銷魂

余離潁川官署十三年矣乙卯新秋東里劉年

禹州志

藝文

卷之十

詩

三十九

丈謁選赴 都帳然舊遊漫賦四韻

前名

十載鈞陽路依稀夢寐間城邊鳴石瀨天際裊烟鬟
閭井應無恙桑麻恐未閒崆峒雲樹古悵望渺難攀

具茨山行

郡守

史廷桂

蕭山人

問程不覺遠溪轉又盤門樵斧通山響童歌答澗喧
昔人曾訪道而我欲忘言色靜深松裏斜陽下槿原

留侯洞

郡守

劉國儒

遼陽人

地爲留侯重千秋古洞存赤松行不返清潁自臨門

水淺沙痕露鳥歸日色昏名成終敝屣往事與誰論

留侯洞

劉光祺

遼陽人

浮名一以盡何事復人間欲識藏弓意無如辟穀閒
息機宜擇地此洞即深山潁水年年綠東流去不還

黃臺

前名

漢氏循良吏吁嗟黃次公政成下神爵人去若冥鴻
剩有遺基在由來變海同昔時李供奉曾賦黃臺空

登逍遙觀

前名

莫問軒皇駕逍遙總擅名瀑從空際落雲向洞間生

禹州志

藝文

卷之十

詩

四十

礙石因峰轉緣崖羨鳥輕望中迷處所極目暮烟平

刺史劉公重修鳳凰臺成

倪

俠

會稽人

潁川懷漢守往事幾追尋鳳去已難覩臺荒猶至今
古人長足慕刺史每登臨一旦新遺蹟千秋共此心

韓城閒眺

前名

韓城秋色裏悵望似林中曾是繁華地而今臺榭空
斷垣鳴鳥雀殘葉趁霜風作客閒來此蕭條感我衷

同人登轟塚用劉晴川先生韻

清資縣令

張

沐

上蔡人

軼人有血性杖七不還家臺上俠魂暗城邊暮影斜
絕行非飲食周道問桑麻二代山川在蕭條放舊花

飲子房洞次韻

光州司訓 馬呈書 郡人

此地風光好乘春偶一過凭欄眺遠岫極目送流波
把酒偏添興裁詩可當歌絕勝金谷飲爭忍不顏酩

康城

明經 羅光壁 郡人

指點古王宮頽垣列棘中呼風噪野雀負日立衰翁
代隔秦凌漢人爲沙與虫僅留如掌地麥秀暮雲空

聶臺

郡守 高鑒 渤海人

禹州志

藝文

卷之十

詩

四十一

身許因親逝形屠冀姊留雙墳分俠烈一劔判恩讐

潤野青燐斷高臺碧樹秋長河同易水隱隱咽寒流

喜雨

前名

搜得坡仙術寒潭試白龍果然興萬寶不惜暗三峰
禾黍霑霖溥馨香報禮恭漫言農意愜吾樂愈村農

鳳臺懷黃次公

前名

潁陽凋敝日藉此濟川才迥與鷹鷂異眞宜鸞鷲來
休徵光漢史遺愛築崇臺我亦拖青至勲庸安在哉

丹山書院新栢

前名

自是髯龍匹何須較短長參天知有日得地便禁霜
鐵幹疇爭長銅柯早放香紛紛新柳翠占得幾時芳

西齋雨後

邵太守 邵大業 大興籍

小園雨初歇暮色鬱滄浪雲漏月行駛蛙喧水漫長
竹齊纔覆瓦林暗欲遮墻乍可消塵渴渾忘作吏忙

遊留侯洞

四首之二 郡丞程瀚 天長人

昔日韓公子仇秦爲報韓峒山標意氣葛水遁衣冠
暫養英雄晦常因遇合難荆軻歌易水到此不知寒

其二

前名

春老東風靜乘閒渡褚河昔時人已去今日水猶波

洞口浮雲淡松陰煦日和栢山藏遠樹一點色如螺

風雨遊崆峒同陳蘭崖趙友春

明經 董祚宏 郡人

春遊選勝地策蹇上崆峒叢樹濯新雨危樓納遠風
衣單誰怯冷酒醉我猶雄攀躋凌峰頂往還龍氣中

秋杪遊九山寺

明經 楊景時 郡人

古寺臨高岸興來携酒過庭閑人跡少院冷夕陽多
雁影落沙渚山光入碧波眺臨空有意悵望欲如何

移家

清游寓人 鍾國士 河內

卜築家陽翟結茅穎水隈高臺堪眺望曲岸足徘徊
携册隨榆柳荷鋤問草萊薄田充入口晨夕亦悠哉

月夜崆峒山閣

文學張琰 郡人

山半層樓起登臨俯碧欄恰疑凌廣漢直欲跨飛鸞
月色當秋迥泉聲入夜寒崆峒仙跡在笙鶴渺難攀

玲瓏山

山在州西五十里南岸陡峻東西可百步多竅大者如屋上人肖以佛像好事者鑿取植花草為清玩雖高二三尺但一二寸入水經夜可達顛頂其西有水自上而下遶門前東流余嘗教僧種稻及蓮僧日曾種之矣自春徂秋莖梗皆

禹州志 藝文

卷之十 詩

四十三

結為石矣余因取水中一石曲奇可愛碎之內皆木葉半崖有洞土人云深不可測內有河有白蝙蝠大如箕 文學 馬淑 郡人

靈境何年造應由大劫成天開曠土目地駐法王旌
壯水鑄山骨枯枝繡石鯨洞中深莫測肯許世人行

犢水園卽事

明經趙冬晟 郡人

門前餘古蹟老樹半槎枒漸看頽陽盡尙憐晚興餘
雷生瀑布水霞幔嶺頭花留得堯年在夷然傲世華

劉晴川公祠

別駕劉湛 郡人

前代循良守姚江門下賢輝煌佛像毀寂歷聖經傳

畏壘今何在豐碑尙宛然我來懷舊澤春雨艸芊芊

秋日巢父洞晚酌

明經

楊景時

郡人

勝蹟相傳久登臨此日初人懷千代上洞廠萬年餘

水落灘聲細天空雁影疎欲尋洗耳處涼月滿秋渠

禹州志

藝文

卷之十

詩

四十四

七言律

穎亭

唐光祿寺丞

韓琮

穎上新亭瞰一川，幾重舊址敞幽關。
寒聲北下當軒水，翠影西來樸檻山。
極目遠隨孤鶴去，高情長共白雲閑。
知君久負巢由志，早晚相忘寂寞間。

崔象之中舍宰陽翟

宋太師

韓

琦相州人

君看榮利已恬然，此治韓城屬薦賢。
惠政即隨春共煦，道心常與日同圓。
門疎俗客禪詮遠，亭掩脩篁定力堅。
思退幾人曾上籍，可容名記託新篇。

禹州志

藝文

卷之十

詩

四十五

讀張子房傳吟

見擊壤集

宋處士諡康節

邵

雍洛陽人

漢室開基第一功，善哉能始又能終。
直疑後日赤松子，便是當年黃石公。
用舍隨時無分限，行藏在我有窮通。
古人已往不復見，痛惜今人少此風。

穎亭

金尚書員外

元好問

穎上風烟天地迴，穎亭孤賞亦幽哉。
春風碧水雙鷗靜，落日青山萬馬來。
勝槩銷沉幾今昔，中年登覽足悲哀。
遠遊擬續騷人賦，所惜惓惓無酒杯。

前題

元

王渥進

五載湖濱阻勝遊
歌亭聊喜散羈愁
九山西絡烟霞去
一水南吞澗壑流
賓主唱酬空翠巘
干戈橫絕自滄洲
匆匆匹馬從軍去
慚媿烟波萬里鷗

前題

元白馬縣令

潘洙

探尋遺趾剪荒榛
復構高軒枕水瀆
簾幕夜開千嶂月
琴尊時伴一溪雲
臨流洗耳今何在
訪道鳴鑾杳不聞
憑望秋天雨初霽
風烟閑澹夕陽曛

前題

元翰林

李淳

隴西人

危亭廢迹草漫漫
徃哲心規復構完
黃霸舊聲空市

禹州志

藝文

卷之十

詩

四十六

邑廣成遺事祇烟巒
清時勝賞懷彭澤
平世忘機類釣磻
巢許高風何處問
月明閑夜漱長灘

前題

元南溪主簿

管豫

重構危亭枕碧流
簷楹照日雨初收
天影下地知無際
山勢西來見盡頭
常愛固當爲勝地
登臨曾未讓高樓
公餘置酒延賓客
豈意空疎與晏遊

讀鈞臺志有感

明河南參政

楊

榮

荆南人

獨上高臺稱鳳臺
看花重九菊將開
儒林書院遭兵燹
麗澤名堂沒草萊
清潁玉橋橫野渡
漫流聖水絕

塵埃吁嗟此景堪題咏愧我殊乖李杜才

鈞臺懷古

明河南
僉事

劉

咸
泰和人

關城迢遞古中州歲晏蒼茫匹馬遊神禹廟荒宮樹

老大仙山碧野雲收道經楮渡橋橫斷泉出黃臺水

漫流好景滿前看不盡徐行按轡思悠悠

鈞陽懷古三首次韻

明監察
御史

薛

瑄
河東人

乘驄幾日別神州又向中原次第遊潁水經過寒浪

湧鈞臺遙見晚烟收觀風且喜年華泰作客寧知歲

月流夜宿霜臺清似水檢書燒燭興悠悠

禹州志

藝文

卷之十

詩

四十七

其二

前名

南風攬轡過中州陽翟名邦得縱遊彩鳳臺空芳艸

合黑龍潭靜暮烟收馬經潁水清無跡路遶黃山翠

欲流歷覽幾回情未已遠天雲影自悠悠

其三

前名

六月南行按楚州路經櫟邑遂清遊學仙人去洞猶

在鳴鳳臺空聲已收無限好山皆北向幾灣野水盡

東流垂鞭不管馬行緩微覺情緒轉悠悠

懷古

郡學
博

朱

鈺
玉泉人

嵩少西來第一州無邊佳景任遨遊
澗鳴玉佩靈泉響山列金光夕
照收鳳去臺空雲自在龍潛潭靜水
長流繡衣文憲多才思覽秀成詩興
自悠

前題

前名

禹山南向是中州先達應從此處求
不韋曾聞多著作子房可教足謀猷
存眞洞口晴雲鎖司馬城高宿霧收
况復黃臺黃霸遠令人千載憶同遊

詠古

曹

璉

柳陽人

一上韓城望潁亭

潁

眸光景滿郊坰風生黑水飛濤

禹州志

藝文

卷之十

詩

四十八

白烟淨黃山遶樹青潭底龍蟠寒月皎
臺端鳳去彩雲扃獨憐漢相陵頭鳥訴
盡春愁不忍聽

次題前韻

前名

五馬南行出帝州雙旌千里潁陽遊
鴉歸古堞雲林暮龍蟄寒潭雨氣收
神垕矗空連岳峻潁波澄碧繞城流
山川景物多佳趣覽勝舒懷意自悠

留侯洞

郡太守

徐明善

邵陽人

爲見韓亡血淚流椎車博浪報君讐
蹶秦顛項潛踪去輔漢辭劉勇退優
智託赤松無物累名留清潁有

神遊穀城黃石今何在遙思留侯孰與儔

崆峒山

前名

柴門雖設未嘗關閉看幽禽自往還白壁易求千丈
石黃金難買一生閑雪消曉嶂聞寒瀑葉落秋林見
遠山古栢烟消清晝永是非不到白雲間

遊逍遙觀

郡守

莫

鈍

荔浦人

盤旋山路入玄關石磴亭亭取次攀丹篆懸崖仙妙
了清泉白石鼎湖閒猿號山外連雲響鶴羽天邊帶
月還獨坐清霄最清絕恍然身世隔塵寰

禹州志

藝文

卷之十

詩

四十九

九日登聶臺二首

郡守

卜

鏗

江寧人

山城霽色曉來催結駟同登塚上臺代古芳名留俠
骨晴逢佳節坐蒿萊黃花衰柳愁相向白日重泉杳
不開我輩何須論往事當歌且復盡餘盃

其二

前名

黃花客邸故無意綠酒朋樽殊相憐登眺正值風雨
後嵩穎况羅睥睨前雞雛處處棲茆屋犢子家家壟
麥田對此豐年須盡樂不妨歸去各陶然

便道歸鈞州送子會試

侍御

馬

紀

郡人

分守岷州便道歸送兒今日赴春闈輪蹄到處須防
險爵祿隨天每慎微直道遜詞真妙訣權門利路是
危機傳家數世惟清儉富貴休忘着布衣

留侯廟

沈

周

石田人

博浪還非擊鹿秋先生空作聶生流天將小挫宏開
業事到不成細論讐羽翼四人歸妙算神仙一着是
高遊千年遺廟蘋花在日暮相思潁水頭

九月晦日鈞州公館見菊

唐順之

荆川人

天涯已逼三冬候客舍猶開九日花無那繁香經雨

禹州志

藝文

卷之十

詩

五十

歇獨看踈蕊向風斜
冷英實有騷人興
送酒虛疑陶令家
想像故園搖落盡
倍令遊子惜年華

送連孟準餉薊暫歸禹州

湯顯祖

中嵩片壁自連城
得侍同門望不輕
鶯集共憐芳月飲
鴈來翻作苦寒行
崆峒絳節朝雲拂
渤海朱旗夜火迎
盡道巍峨簪筆裏
長河襟帶潁流清

過卓君廟

叅政

董九貢

郡人

太傅祠堂潁水濱
蒼茫烟景靜
蠶塵苔侵荒徑
色渾綠鳥噪夕陽
語更頻雅實
此中留坐像
循良密地有

餘春乾坤反覆經多少道路猶知是漢臣

早春登鈞州西臺簡党中丞

明 宋登春 新河人

汝陽春色望中來詞客長吟重自哀身世百年宜對
酒家山萬里且登臺寒雲細艸鴈初至斜日孤城花
自開白髮中丞能好事仲宣流落幾時迴

小樓秋興八首之一

明 趙淑人 陳叅政妻

倚樓無語對晴暉嘆息人間事事微一瞬繁華雲影
過百年榮辱電光飛靜觀苦被愁相隔悟道纔醒病
又違好語兒曹惟養志此生端不愛甘肥

禹州志

藝文

卷之十

詩

五十一

其二

前名

閑凭小閣獨逶迤雲影天光映綠陂露冷井梧飄敗
葉秋清月桂長新枝年來頗悟盈虛理老去方知物
態移世事人生聊復爾臨風何必淚雙垂

禹州晤楊文弱於曹純原憲副席上

明 袁中道 禮部員外 公安人

不須揮灑發新函把臂烟霞興已酣雙履欲凌嵩少
雪兩肩猶帶武山嵐最欣明燭添人喜稍厭清歌間
我譚况是主君今繡虎相逢那忍不停驂

過陘山子產墓

明 叅政 錢天錫 沔陽人

雨雪關河思不禁
陘山春樹尚蕭森
荒途欲盡群生血
古墓猶深慈母心
美錦艱難虛令德
皇華潤色少知音
徵求此日須君急
况復干戈塞上尋

九山暮靄

明 郡守 徐明善

西門聯絡九山橫
日暮回巒返照生
烟鎖亂峰連復斷
霞流寒谷晦還明
樵迷幽徑披雲度
鳥弄餘暉遶樹鳴
清景無邊何處看
都將收拾壯嚴城

東里春遊

前名

禹州志

藝文

卷之十

詩

五十一

雨晴東里艸萋萋
綠徧平原望欲迷
金縷沸音黃鳥弄
錦韉馱醉紫騮嘶
露晞垂柳紛連岸
風颭飛花亂點溪
紅紫芬芳游賞罷
歸來日落小橋西

國朝

禹州訪佟大中丞

明 經 賈開宗

中丞駐節古鈞州
天外嵩峰望裏收
好客還尋千里約
開樽恰值萬山秋
黃花共詠陶潛賦
皓月陪登庾亮樓
十載升沉堪細論
不才安穩是林邱

遊禹州三峰山示沈繹堂太史

清 閻爾梅 古沛縣人

帝饗鈞臺未可期風光愁絕六朝時
崔鴻特筆南齊朔王肅增修北魏儀
耳食山川人自陋心傷文獻我誰師
佳禽異卉多膏產采采薌蘭聽畫睂

前題

前名

碧林青嶠翠相參波瘦沙澄徹底藍
七聖掛瓢從野外三峰如簋設城南
屐隨高下頻移齒杖可支吾省用籃
鬪得苓菖堪却老將尋巢許結松龕

前題

前名

微雲碎剪月明虛香篆葳蕤急就餘
朔北夜烽占鷄

禹州志

藝文

卷之十

詩

五十三

雉江東秋膾想鱸魚平分校尉厨中
酒戲曬參軍腹裏書疎濶華亭諸子
信士龍狂笑近何如

前題

前名

次公臺下嘯青燐金石塵埋滿路榛
深井屠兒殲俠累邯鄲賈豎滅羸秦
貪尋異跡登臨快錯入荒山境界新
郡國風謠非我事悲歌憑吊且斷斷

贊張子房

郡守

朱裴

何人能識赤松遊博浪沙椎志已酬
解綬非因辭炎帝平秦總爲報韓仇
歸山休笑漢孺子築壘空餘淮

陰去聲 侯假使副車非誤中 圯人早引入溪頭

大隗山

清孝廉 翁深 彭城人

疊阜頽岡互換生 流泉無數往來迎 溝深仰見雲中屋 穴暗遙聞地底聲 馬走崩崖難放步 人居絕壑不愁兵 潭魚野菜尋常飫 何事桃源漏姓名

崆峒山

前名

昔聞軒帝訪崆峒 今我尋仙四望窮 白鴈幾群嵩岳外 黃河一線太和東 危崖倒結千年檜 絕壁孤懸百尺桐 厥罰常陰秋色淡 神州原在陸沉中

禹州志

藝文

卷之十

詩

五十四

九日三峰登高

于嗣昌

徘徊絕頂倚雲高 古樹森森儼羽旄 香陌九衢薰暖席 寒烟萬井靜風濤 授衣還念蒼生苦 吹帽何妨此日豪 回首夕陽歸遠岫 金鞭搖曳出林臯

馬氏廢園

清巡憲 沈荃 華亭人

名王邸第已荆榛 此地猶留別墅春 古洞陰森寒翠栢 層臺寂寞暗青燐 棟雲暮入西山翠 簾燕朝縈故國塵 依舊山林城市裏 停車懷舊一逡巡

園係端肅公別業

曰城市山林

清明拜李崆峒先生墓并爲立碣以垂永久華

亭沈臬憲紀其畧節於碑陰

郡守

史廷桂

北地聲名並斗高
荒邱長卧獨蕭騷
百年翁仲埋原草
三月清明薦澗毛
天外雲霞占王氣
山中風雨憶揮毫
螭碑八尺生平事
珍重休文珥筆勞

遊輞山

前名

何事書窻枕簟慵
遊看翠嶂列芙蓉
黛容恰入輞川畫
飛勢全疑鷲嶺峰
水洞神工矜斧鑿
陰崖滴乳競

禹州志

藝文

卷之十

詩

五十五

玲瓏歸來苦憶青葱色也種齋前幾樹松

春日陪劉子壽維遊逍遙觀題壁二首

倪

俠

會稽人

碧嶂陰陰曙色開
故人約我上層臺
山花落地香猶細
石徑穿崖勢欲迴
一片白雲迷澗谷
數重丹閣倚崖嵬
莫言路向蓬壺遠
幾箇此間問道來

前題

前名

層巖聞說可躋攀
爭忍春來不看山
遙逐落花過洞口
忽驚飛閣在人間
但曾到處難輕去
每惜生涯未

易間已信求仙非秘術風塵無那日催顏

留侯洞

張楚玉
於潛人

漢家宮闕舊秦京漢室元勳韓地生博浪明沙寒日
色鈞陽古洞起秋聲祠遺故國歸初志封願留侯澹
世名西望霸陵何所似清風惟共碧泉鳴

留侯洞

劉憲章
黃安人

破產酌韓又輔劉只因能忍報君仇圮橋但費三番
約前箸已籌四百秋辟穀自甘忘世去辭封原不想
名留惟餘古洞傳仙跡極目年年潁水流

禹州志

藝文

卷之十

詩

五十六

和臬憲繹堂沈公九日登三峰

舒城令
趙來鳴
郡人

三峰翠嶂曙暉明秀色遙連憲節平翔鳳嶺前雲錯
錦仙茅洞裏風吹笙題詞暫借萸囊貯泛酒時收籬
菊英不羨龍山嘉會事玉堂聲價自高清

遊逍遙觀

前名

羊腸九曲入崆峒摘取蓬萊第一宮片石從來仙斧
削層樓擬與玉霄通風來蒼栢虬龍吼日照丹崖蚪
蚪紅到此塵緣悉解脫冷然羽化思凌空

清明大隗道中漫興

明經 余正華 郡人

靉靆春山一望迴石痕處處長新苔遊人已入雲堆
去騎馬還從樹杪來幾片輕紅飛野徑無邊嫩綠挂
條枚峰頭欲作清明雨且向前村問酒杯

潁水

明經 余鑄 郡人

潁溪來自嵩山麓巢許名高萬載餘飲犢澄潭涵月
冷棄瓢古渡帶烟虛東流直抵蝸螻郭北折橫携蕩
蕩渠信是潁川形勝地雙飛虹影繞城隅

丹山書院落成口占

郡太守 李朝柱 臨汾人

禹州志

藝文

卷之十

詩

五十七

敷教丹山葺鳳臺臺成棲鳳鳳還來平生智拙謀身
計數載心勞爲國才養翼群英歸化雨修鱗多士待
春雷地靈人傑鯤應化日上重樓看幾回

東峯書院落成

時改毘盧寺
復爲書院

前名

東峰 構讀書堂不道儒衰屬梵王臯比流風荒講
席野狐花雨媚禪床誅茅敢謂誇新鼎薙艸何嫌率
舊章傳語後來須共惜休從僮父復歸楊

贈夏峯孫先生歸養

集唐四首之一

郡守 屠用謙 孝感縣人

同官載酒出郊圻

高適

聖主恩深暫許歸

釋靈澈

雲路何

人見高志

殷堯蓄

棠花含笑侍斑衣

錢起

陳琳艸奏才

在戴叔倫

劉向傳經心事違

杜甫

自嘆猶為折腰吏

張籍

隨

君空有夢魂飛

姚鵠

遊留侯洞

郡守

高

鑒

渤海人

丹崖深處關留侯夏木森森氣象幽書卷未遭黃石

授洞天早慕赤松遊行藏不負稱人傑狀貌何妨似

女流潁水一灣門外繞長遺芳跡繼巢由

逍遙觀

前名

崇山西峙號崆峒緬邈軒轅太古風問道臺橫諸嶺

禹州志

藝文

卷之十

詩

五十八

上步虛聲在半天中一泉泮泮噴陰雪雙壁峻嶒覆

飲虹彷彿候仙樓十二瑰竒瑋麗矗晴空

別禹

前名

一牧三年托潁濱謬叨剡薦賴風醇愧無政績追黃

霸敢望謳思擬寇恂鶴禁再趨心向切鳳臺驟別首

回頻囊空自笑猶荆楚賺得髭鬚半似銀

登禹州城樓

郡守

邵大業

大興人

練繞叢花二月中繡衣初拂柳絲風箕山潁水千秋

在瘴雨蠻煙萬里通野鳥遠隨雲去住居人環築水

西東風光滿眼曾來鳳敢向高臺謁次公

送程岷源通判禹州誌別

檢討今
陞司業

陳世烈

執手王程不可留一年意氣感綢繆欣同北闕膺新

命愁向西郊別舊遊已見屏星分刺史行看典郡擅

專州家山最喜歸帆便捧檄前庭瑞采浮

遊逍遙觀

郡判

程瀚

十里荒山卧晚霞崆峒舊是廣成家風來鬢鬣雲迷

洞雨過繽紛艸着花古蘚有痕沾翠壁新流何處問

丹砂橋山劍舄空憑吊幾疊高峯旋暮鴉

禹州志

藝文

卷之十

詩

五十九

鈞陽余氏忠孝坊

郡學

李

人
高陽

巍峩棹楔峙山村忠孝爭看萃一門馬草無慚酌國

志鵑啼長見思親痕至行兩世扶倫紀 旌典九重

來異恩崇祀官墻廕福遠光前還羨好兒孫

崆峒山

郡司

左絜矩

土蔡

天中蒼翠鬱峩峩黃帝遺踪世代遙絕壁風雲龍虎

氣虛岩鐘鼓鬼神朝誰聞至道留金簡尚有封祠奏

玉簫俯仰情深吟不盡馬頭殘葉響山椒

遊子房洞

郡尉

李成蛟

稽山

策馬幽尋仙子居丰姿還彷彿少年初先生聊復身歸
漢老子分明意在書萬戶難酬五世貴千金甘買一
椎虛獨憐力士今何在長使遊人思有餘

次留侯洞壁間韻

文學
邵弘傑
餘姚人

昔年長揖謝封侯好看黃冠遯跡幽一擊未消亡國
恨三期不再圮橋遊穀城有墓封黃石古洞藏弓枕
碧流聞說長從赤松子到今何處問緣由

鈞陽郡齋夏日遣興

太學
邵建基
餘姚人

十洲三島夢徒然小有清虛此洞天秀石倚窻千箇

竹綠楊臨水數聲蟬桃笙葵扇容欹枕桐帽稷鞵試
聽泉隨意設歌隨意飲從今忘暑亦忘年

子房洞

文學
馬淑
郡人

當年破產已無家一洞誰傳碧水涯虛窻夜閉秦時
月老樹春開漢代花王佐帝師終敝屣赤松黃石亦
寒沙蕭條落日長堤外何處輕鷗片片斜

辛巳歲臘月七日備兵 李公殉難之甲子一

周也回憶當年不勝悲悼因賦四韻以寫孤

忠

文學
馬淑

一十六朝運已休謀臣勇將竟誰求
虎俚郡縣開門揖魚釜候王掉臂遊
百鍊剛腸惟仗刃滿懷孤憤獨登樓
也知支厦非吾力志竭軀捐大義留

白沙書院

訓導

劉延祐

郡人

高結逍遙山下廬前朝曾此祀程朱
非緣紫馬賢良守那起白沙君子儒
松舞虬枝留古跡碑鐫鳳字仰先謨
幽清不覺一塵動便是渾淪太極圖

博文樓

前名

綺閣鳳樓高幾層侯王第宅此堪稱
架藏錦帙光輝

禹州志

藝文

卷之十

詩

六十一

遠翰洒宸章氣象增世歷兩朝存柱礎
城違十里見觚稜而今寂寞空追憶
少小曾經一次登

月夜飲崆峒山閣

文學

田昀

郡人

百丈危樓接翠巒夜深對酒共盤桓
風吹絕澗泉聲迥月下高崖樹影寒
放飲不知侵玉露狂歌猶自倚雕欄
此身飄渺欲何似直是輞川畫裏看

登陘山謁鄭公孫大夫祠

明經

余正華

郡人

突兀孤峯疊翠螺大夫遺廟在中阿
孰非製錦爲民牧幾見推心盡撫摩
百代謳思留俎豆千年惠澤著

山河只今溱洧驅車過猶憶當年誰嗣歌

遊小石淙次韻

明經 康允執 郡人

半枕山坳半水坳遊人日過醉春郊澄潭俯探蟠龍
窟危石高攀栖鶻巢澗水潑洄波細轉谷風拂動樹
全交不勞女后增山色儘待詞人得句敲

留侯洞

文學 劉澄 郡人

古洞森陰白日曛子房遺跡至今聞石欄近俯長溪
水崖樹遙連碧落雲嵩嶺雪消艸色靜楚天風杳雁
行紛英雄既去枌榆冷感慨情深一酹君

禹州志

藝文

卷之十

詩

六十一

亂後過家題壁

別駕 劉湛 郡人

陰陰暝色散荒陴寒雨飛來細似絲春燕漸能營故
壘老槐猶自發新枝蕭條故國人殘後寂寞空庭獨
坐時青艸池塘看又滿王孫何事卜歸遲

陪喬遙集先生遊逍遙觀

明經 劉玉威 郡人

廣成舊隱有丹邱直上金臺十二樓濃樹陰陰方入
夏寒泉冽冽轉驚秋窻虛正好留住佳客山靜翻因散
羽流談笑不知斜日晚一樽綠酒碧雲頭

忠烈巡道李公祠

明經 劉玉威

遠收斷碣依然餘一片振興誰復繼賢侯

題義行王先生傳後

明經

張宿源 郡人

高風無媿古人行奉母撫孫有至情濟衆恩深開夙
廩成人意切起新巒墻東久卜君公宅緱嶺還聞子
晉笙更喜芝蘭庭砌滿能傳孝義舊家聲

讀張烈女墓表

廉 孝
王聿修 郡人

生前暗自泣王孫歿後思酌泉下思鸞鏡未窺君子
面鳳釵早斷女娥魂銀河有路須天上玉璧無緣但
九原烈性不隨芳艸死英風萬古老乾坤

禹州志

藝文

卷之十

詩

六十五

五言排律

懷古眺望

宋尚書 宋 祁 寓居陽翟

城闐聊屬眺千古恨悠悠夏享空臺毀韓亡故社留
廟祠旌穎鳳溪水識巢牛春色依林動晨煙傍戍浮
序騶閑自集田鶴叫相求町條夤緣密川葭蘿靡柔
櫟墟迷鄭鄙隗路隔軒游感昔如吾輩曾經幾斛愁

崆峒瀑布

清孝廉 孫廣生 郡人

廣成棲隱處轟轟羨崆峒絕壁排青嶂靈泉走白虹
練飛渾上下雪舞自西東雲裏珠璣落嶺頭江海通

禹州志

藝文

卷之十

詩

六十六

水光穿柳綠山氣襲桃紅野鳥激揚外幽人盥濯中
流連懷古跡高尚達天聰舊日曾傳道今誰答有熊

七言排律

崆峒紀遊

文學

劉世篆

郡人

動地風雷五夜驚
長空雨過逐炎征
驅除萬斛塵氛
盡爽颯一天嵐
氣生爲愛崆峒饒
勝概竊喜

盛世再經營
山川呈瑞多增秀
草木逢時盡向榮
樓倚巖前添壯麗
峰搖天外自崢嶸
高臺攀躋懷軒帝
古洞愍懃拜廣成
人到深林驚虎跡
賦成幽壑聽松聲
往來空翠沾裳濕
飄渺仙風拂袖輕
頻向崖邊捫薜荔
更登絕頂叩虛清
一時良友高歌起
四面山音相

禹州志

藝文

卷之十

詩

六十七

和鳴漸覺夕陽啣
遠岫還凭怪石盡
餘觥醉歸馬上
猶回首皎皎月華滿
路明

五言絕句

村居晚晴

宋

李方叔

郡人

陰壑留殘雪紅林帶晚霞孤烟障漁市不見兩三家

水鏡洞

辛酉春同葉子建度褚河遊此

清寶豐教諭

魏文徵

葉縣人

當年心似水今日水如鏡不見洞中人空留一水橫

鈞陽雜咏

錄四首

文學

陳環

松江人

許由甘遯世今留洗耳臺寄語牧牛者莫向潁濱來

其二

鵲影亂紅葉蟬絲繫白楊離離荒草墓但聞俠骨香

禹州志

藝文

卷之十

詩

六十八

其三

呂氏邯鄲賈乃封萬戶侯居奇如有術何不載春秋

其四

辟穀從初志潛真依故邱當年椎若中不復漢廷遊

巢父琴床

明經

田昀

郡人

人琴昔已去巨石當流寒野弦泛高曲淙琤隨意彈

瓢窠

明經

陳鳴臯

郡人

莫問箕穎人棄瓢棄何處只看此窠中潑玉淙淙注

七言絕句

春日邨居

宋右
正言 崔 鷗 郡人

春草門前已沒靴更無人過野人家
離離細竹時聞雨淡淡疎籬不隔花

婆婆園

前名

晚禽噪竹百千翅殘竹橫枝三兩花
好在小園養衰病風波不到野人家

秋夜偶興

前名

記得詩狂欲發時鄱陽湖裏月
明知無人為覓桓伊

禹州志

藝文

卷之十

詩

六十九

笛自捲秋蘆片葉吹

譏杜牧之

宋知淮
陽軍 田 畫 郡人

弟病兄孤失所依當時書語最堪悲
豈圖乞得南州牧却恨尋春去較遲

從晁以道索松

宋徵
士 陳 恬 郡人

松上花兮松下根食之年貌與松隣
君今既是松間客採送衰翁亦可人

寒食

宋 李 薦 郡人

千株密炬出嚴闈走馬天街賜近臣
我亦茅簷自鑽

燧煨針燒艾檢銅人

春日

宋 晁冲之 游寓

陰陰溪曲綠交加
小雨翻萍上淺沙
鵝鴨不知春去
盡爭隨流水趨桃花

鈞州道中

金 令 史 元遺山 秀客

野陰蒼莽日將夕
歲律崢嶸風有聲
從昔南山歌短
褐何時北闕請長纓

韓城雪夜偶感

金 燕照鄰 邑人

女矮男癡十口餘
進時無業退無廬
一窻風雪韓城

禹州志 藝文

卷之十 詩

七十

夜火冷燈青照舊書

題韓孝子墓

明 郡 守 劉 魁

短疏曾將達九重
可憐塵世也難容
寥寥束帛吾何
愛千里聊為馬鬣封

遊存真宮

明 苑 馬 少 郭學書 郡人

仙翁河上小宮幽
十日還尋九日遊
猶有黃花香不
減老人吟嘯故遲留

其二

林邱斜暮此名幽
頽曲招尋亦壯遊
醉裡狂歌君莫

笑百年今有幾人留

小園白梅

明 趙淑人 郡節烈

仙姿原不染紅塵羞與群芳共鬪春
冷淡却嫌濃艷俗清幽惟喜雪霜親

舊庭吟

前名

倚樓西望舊亭臺杏艷桃嬌爛熳開
可憐池畔長松樹二十年前手自栽

絕命詩

前名

身受國恩四十年肯將鸞誥染烽烟
兒孫欲覓魂歸

禹州志

藝文

卷之十

詩

七十一

處梅月霏微竹影邊

三峰曉青

明 磁州 司訓 連憲武 郡人

突兀三峰天削成凌晨青翠撲簷楹
恰來名雋蟬聯起峰列三台分外明

東里春遊

清 鳳翔 太守 李噓雲 郡人

潁濱無地不宜春更有東臯桃柳新
踏破紅芳並綠草往來盡是看花人

姚店道中

廉使 許 宸 南陽人

細雨輕塵緩轡時浮名十載強顏支
故園應有殘梅

待分付東風莫浪吹

姚店道中次菊潭韻

僉事
孫期昌
葉縣人

我來君去已多時
潁水韓山老馬支
回首長安何處

是御堤宮柳曉風吹

月夜飲劉東里齋中卽事

清
閻爾梅
古沛縣人

邊關樂府唱伊州
花下歸來月滿樓
自是侯門秋怨

譜騷人題作打了頭

舊有王府其妓人戲
爲新曲曰打了頭

過聶政聶姊塚

郡守
史廷桂

高原榆柳動斜陽
野老猶傳狹骨香
自是名心繫女

禹州志

藝文

卷之十

詩

七十一

子纍纍雙塚對山棠

上大隗山

郡守
劉國儒
遼陽人

鈞陽西去入雲峰
隔盡塵寰路幾重
此地若教城郭

近朝朝豈惜往來蹤

望大隗山

清
劉光祺
遼陽人

軒帝曾經具茨遊
鬱葱佳氣望中收
君看絕頂風雲

處應有仙人在上頭

康熙庚寅上巳遊太平庵有感

郡學正
吉祥

庵上何年題太平桃花夾岸柳色輕此中莫厭遊人

醉門外試聽輸輓聲

耆舊云是年大歉先生蓋有感而言

重九後一日遊存真宮和郭太僕韻

太學

韓鼎業

北平人

重陽擬向此尋幽風雨撩人故倦遊今日賢豪同載

酒依依猶爲晚香留

其二

先生曾愛潁濱幽百載慙予續勝遊追憶峴山悲感

句芳踪終是解人留

禹州志

藝文

卷之十

詩

七十三

讀禹州志節烈傳有感

郡學正

李杰

登封人

此身竟自樹綱常盛世鴻恩下九閻死後名留原不

死風吹俠骨萬年香

鈞陽郡中秋夜

孝廉

邵自鎮

大興人

鴈後花前歸未歸遠人兩度望寒衣今年秋較常年

早昨日園亭楓葉飛

留侯祠

明經

余正華

郡人

楚漢雄圖事已沉空看祠外潁波深滔滔千載流難

盡猶是報韓一片心

義水橋修禊

李如佶
郡人

爲採芳蘭將酒携柳風邀去過前溪
個中魚鴈隨心
賞事外烟雲任意題

禹州志

藝文

卷之十

詩

七十四

辭

陽翟祈雨辭

騷體

清兵
巡道

沈

荃

華亭
人

溝塍兮青禾望望兮滂沱卒圭壁兮神靈進 酒兮

芳馨巫覡既窮兮寧莫我聽着鞭兮土龍慰我兮三

農迓海童兮走虬螭駮雲車兮紛電旗捎飛廉兮遏

朱犧君不來兮儼我思

禹州志

藝文

卷之十

辭

七十五

詞

詠張良洞

調浪
淘沙

清

李希程

漫說是神仙芳草芊芊雨餘封鎖洞中天惟有白雲

呈曉色空戀山前 滿目是淒然何處談玄幾時曾

見鶴歸烟莫向秋風興浩嘆滄海桑田

遊書堂山

調蝶
戀花

太學

劉岳臨

郡人

山擁層樓橫晚翠紅樹白雲別有神仙地門外水流

穿石隙聲聲跌盡琅玕碎 勝友天涯欣此萃曲水

流觴重寫蘭亭記拚向深山同一醉灑然忘却人間

禹州志

藝文

卷之十

詞

七十六

貴